



## Universitätsbibliothek Paderborn

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Vniversis Fidelibvs constitutis in terris nobilium qui adversùs Provinciales  
hæreticos sunt crucesignati.

**urn:nbn:de:hbz:466:1-20020**

trorum reddituum portionem deputare vos convenit in subsidium eorundem. Cum enim sacris sit canonibus institutum ut thesauri & alia bona Ecclesiarum ingruente necessitatibus articulo in redemptionem exponi debeant captivorum, tunc proculdubio debent plenitis dispensari cum periculis occurritur animarum quae falsis dogmatibus captivatae in erroris carceribus detinentur, cum pretiosior sit anima copore, ac perditioni unius animae multorum interitus corporum nequeat comparari. Illud etiam in hoc vobis est subtilius advertendum, quod quamvis illi qui ad capienda vulpeculas quae demoliuntur vineam Domini se accingunt, universorum fidelium causam agant, utilitatibus praecipue viorum ecclesiasticorum infistunt, dum illi quorum intendunt duritiam inter clades bellicas edomare, apostolicam doctrinam impugnent, ecclesiasticam auctoritatem evacent, & viris ecclesiasticis afruant non esse aliquatenus intendendum, dominis temporalibus magnifice servientes. Unde cum videatur consentaneum rationi ut Christi milites, qui pro vestris utilitatibus militant, vestris munificentis recreentur, universitatem vestram rogandam duximus & monendam, per apostolica vobis scripta in remissionem peccatum inungentes quatinus illam vestrorum unius anni preventum portionem quam venerabilis frater noster Episcopus Regensis & dilecti filii Abbas Cisterciensis & magister Milo Notarius noster apostolice sedis Legatus, quibus super hoc vices nostras committimus, deliberatione provida duxerint designandam, ad crucifigitorum subsidium aliqunetis. Alioquin, cum sustinere nolimus ut propter necessariorum defectum predicatorum signatorum exercitus dissolvatur, noveritis nos eidem Legatis injungere ut vos ad id ecclesiastica censura compellant. Ne vero gravia vobis onera imponere videamur quae digito nostro movere nolimus, quantamcumque vos gratis de vestris preventibus confuleritis portionem, nos profecto majorem de nostris offerimus largiendam. Datum Viterbij v. Kal. Augosti, pontificatus nostri anno duodecimo.

*REGENSI EPISCOPO, ET  
Abbat Cisterciensi, & magistro Miloni  
Notario nostro, apostolice sedis Legatis.*

*C*um domini vestri pro defensione dei orthodoxe personas & res expofuerint ad obsequium Iesu Christi, universorum fidelium communem causam agentes, iustum est ut a vobis & aliis recipiant subsidia opportuna, quibus adjuti tam sanctum & fructuosum propositum valeant

*Epiſt. 88.  
Super eadem  
materia.*

*Bibl. 67.  
De codice ar-  
gumento.*

**V**hi qui orthodoxe fidei zelo sue-  
censi ad expugnandam hereticam  
pravitatem vivificae crucis characterem af-

## 352 Epistolarum Innocentij III.

adimplere. Quocirca universitatem vestram rogandam duximus & monendam, in remissionem vobis peccatum injungentes quatinus pro ejus amore qui vobis animam donavit & corpus & bona omnia quae habetis, immo etiam qui scipsum vobis donavit in premium ut suo sanguine pretioso redimeret vos à diaboli potestate, aliquam portionem de preventibus vestris, saltem unius anni, juxta dispositionem venerabilis fratri Regensi Episcopi & dilectorum filiorum Cisterciensis Abbatis & magistri Milonis Notarij nostri sedis apostolicae Legatorum tam hilariter quam liberaliter conferatis; ut per hæc & alia bona quæ Domino inspirante feceritis, ad æternæ beatitudinis præmia mereamini pervenire. Nos enim eisdem Legatis vices nostras in hoc duximus committendas, habituri ratum & gratum quicquid piè ac providè super eo duxerint statuendum. Datum Viterbij vii. Kal. Augusti, anno duodecimo.

*M A G I S T R O M I L O N I  
Notario nostro apostolicae sedis Legato.*

Epif. 89.  
Mandatur ei  
ut corporum ne-  
gotiorum perfici-  
quatur.

**S**olicitudinis tua studium, quod per operis evidentiam declaratur, tanto nobis prudentiam tuam reddit amplius commendatam quanto cælestis altitudo consilij circa commissum tibi negotium majora dinoscitur per tuum ministerium opera. Illi ergo qui pertingit à fine usque ad finem fortiter & disponit suaviter universa, quique eum imperat ventis & mari, facit in turbatione tranquillum, quas valeamus gratias referentes, discretionem tuam dignis super hoc laudibus commendamus. Licet autem redditus tuus utilis nobis esset & præsentia tua grata, quia tamen in ministerio tui cura multis te fore credimus non solum necessarium sed etiam fructuosum, devotioni tua præfentum auctoritate mandamus quatinus prudenter considerans quod non qui cœperit, sed qui perseveraverit, salvis erit, & finis non pugna coronat, his quæ ad injunctum tibi spectant officium sollicitè ac solerter intendas, ad illum principaliter habens absque intermissione respectum qui pro sua causa, quam agis, dirigit gressus tuos, redderque tibi mercedis æternæ denarum pro labore, à nobis etiam, qui non sumus tuae devotionis immemores, consolationis solatia percepturus. Datum Viterbij vii. Kal. Augusti, anno duodecimo.



N O B I L I V I R O R. C O M I T I  
T o l e s a n o .

**G**Audemus in Domino & in potentia virtutis ipsius quod licet contra te dum fuerint multa suggesta quæ famam tuam videbant multiformiter denigrare, tu tamen, ut eam omnino purgares, totum te nostris exposuisti mandatis, exhibens cautiones quantas & quales dilectus filius magister Milo Notarius noster apostolicae sedis Legatus exigit; & sic quimultis fueras in scandalum, factus es pluribus in exemplum; ut circa te manus Domini videatur mirabiliter operata. Cum ergo pro certo credamus quod hoc tibi, non solum spiritualiter ad salutem, verum etiam temporaliter ad profectum debeat redundare, ut amodo inter fideles fructifices & abundes in pace catholica qui haec tenus inter perfidos dispergebas & consumebas in bellicosa clade, nobilitatem tuam rogandam duximus & monendam, per apostolica tibi scripta mandantes quatenus tales in omnibus te studeas exhibere quod nos, qui tuum desideramus in Domino commodum & honorem, ad exhibendum tibi gratiam & favorem meritò debeamus induci, pro certo confidens quod indebet tibi nolumus inferri gravamen. Datum Viterbij vii. Kal. Augusti, pontificatus nostri anno duodecimo.

S T E P H A N O C A N T V A R I E N S I  
Archiepiscopo, S. R. E. Cardinali.

**S**uper negotio Lincolnensis electi non solum discretionis spiritum, verum etiam discretionem spiritus te oportet habere, ne facilè credas omni spiritui, sed zelum habeas secundum scientiam, diligenter attendens quod qui nimium emungit, elicit sanguinem, cum tempus & tempus sit omni rei quæ sub cœlo consistit. Vnde: Omnia bona in tempore suo. Tuis ergo consultationibus breviter respondemus quod si Lincolinense Capitulum alias litteras de assensu regio vel noluerit vel nequerit impetrare, sufficiunt impetrata, ne forte sub specie consuetudinis approbatæ querere videaris utilitatem magis propriam quam communem. Si autem electus canonicam purgationem obtulerit super iis de quibus probabiliter est suspectus vel publicè infamatus, purgationem ejus accusatore deficiente recipias, moderando ipsam cum quinta probabilium personarum ordinis sui manu. Quod si nec inquisitionem subire nec purgationem exhibere voluerit